



**Republika e Kosovës**  
Republika Kosova - Kosova Cumhuriyeti



**Komuna e Prizrenit**  
Opština Prizren – Prizren Belediyesi

*Prizren, më 08.02.2019*

Drejtoria për Kulturë, Rini dhe Sport në Komunën e Prizrenit, u bën:

## **THIRRJE PUBLIKE**

1. Të gjithë individëve dhe organizatave jo-qeveritare të Regjistruara në Republikën e Kosovës që veprojnë në Komunën e Prizrenit, programi i punës i të cilave është i fokusuar në fushën e kulturës, rinisë dhe sportit, dhe që përfshijnë aktivitete të realizuara në Komunën e Prizrenit të aplikojnë për mbështetje financiare:

### **Në fushën e kulturës:**

- Promovimi dhe afirmimi i vlerave kulturore.
- Promovojnë krijimtarinë lokale artistike;
- Promovojnë diversitetin lokal kulturor dhe nxisin dialogun artistik ndërkulturor;
- Promovojnë trashëgiminë kulturore;
- Kontribuojnë në shtrirjen e kalendarit kulturor përgjatë tërë vitit;
- Kontribuojnë në zhvillimin e turizmit kulturor lokal;
- Nxisin pjesëmarrjen e audiencave të reja në jetën kulturore;
- Festalet, koncertet, shënimet e datave historike - kulturore, simpoziumet dhe ekspozitat.
- Grupet/shoqëritë kulturore-artistike që funksionojnë në Komunën e Prizrenit, mbështeten bazuar në realizimin e suksesshëm të programeve të tyre kulturore dhe artistike në vitet paraprake.

### **Në fushën e rinisë**

- Fuqizimi i rinisë
- Mbështetja për funksionalizimin e qendrës rinore
- zhvillimin e aktiviteteve specifike për të rinjtë që ndikojnë drejt për së drejti në nxitjen e aktiviteteve në luftimin e dukurive negative të të rinjtë;
- Mbështetja për përfshirjen sociale dhe organizimi i ngjarjeve provuese dhe rekreative.
- Mbështetje të personave me nevoja të veçanta dhe inovacion teknologjik

## **Në fushën e sportit**

- Zhvillimi i sportit në Komunën e Prizrenit
- Masivizimi i sportit për të rinj,
- Përkrahja për sportistët kulmorë dhe klubet sportive
- Organizimi i aktiviteteve sportive
- Projektet të ndryshme me grup-mosha të ndryshme,
- Ngritja e nivelit profesional të klubeve sportive,
- Aktivitete edukative me simpatizantë me qëllim kultivimin e vlerave fisnike të sportit,

2. Vlerësimi i projekteve do të bëhet nga një komision profesional 5-anëtarësh, të cilët do të vlerësojnë projektet në bazë të kriterëve për vlerësim dhe sipas rregullores për kushtet, kriteret dhe procedurat e ndarjes së subvencioneve.

Vlerësimi do të bëhet sipas:

1. Plotësimi të kushteve administrative të aplikimit;
  2. Ndërlidhjes me objektivat e thirrjes;
  3. Kapacitetit të dëshmuar organizativ dhe menaxhues;
  4. Vazhdimësisë së realizimit të programit dhe qëndrueshmërisë së tij;
  5. Njohjes ose kontributit për afirmimin ndërkombëtar të qytetit të Prizrenit;
  6. Cilësisë artistike të projektit;
  7. Originalitetit të projektit.
3. Dokumentet të cilat duhet të dorëzohen gjatë aplikimit për ndarje të subvencioneve janë:
    - Formulari;
    - Dokumenti identifikues;
    - Certifikata e regjistrimit OJQ;
    - Dëshmi që nuk ka obligime ndaj ATK-së (për persona juridik);
    - Dëshmi që ka dorëzuar raportin financiar nga viti paraprak,
    - Konfirmim nga banka për xhironlogarinë e aplikuesit.
  4. Formulari për aplikim mund të merret në ueb-faqe të Komunës apo në zyrat e Drejtorisë për Kulturë, Rini dhe Sport dhe mund të dorëzohen duke filluar nga data **08 shkurt 2019** deri **më 28 shkurt 2019**. Aplikacionet e dorëzuara pas afatit të paraprak nuk pranohen.
  5. Vlera e planifikuar e mbështetjes financiare
    - 1 Për mbështetje financiare publike për projektet/programet sipas kësaj thirrje publike është paraparë shuma në dispozicion prej **180,000 €**.
    - 2 Shuma minimale e mbështetjes financiare që mund të alokohet për çdo projekt individual është **300 € euro**, ndërsa shuma maksimale është **2.000 €**.

- 3 Shuma minimale e mbështetjes financiare që mund të alokohet nga fusha e kulturës – për projektet në organizimin e festivaleve tradicionale është **5.000 €**, kurse shuma maksimale është **20.000 €**.
- 4 Shuma minimale e mbështetjes financiare që mund të alokohet nga fusha e kulturës – për projektet tjera është **500 €**, kurse shuma maksimale është **5.000 €**.
- 5 Shuma minimale e mbështetjes financiare që mund të alokohet për projektet nga fusha e rinisë është **500 €**, kurse shuma maksimale është **5.000 €**.
- 6 Shuma minimale e mbështetjes financiare që mund të alokohet për projektet nga fusha e sportit është **500 €**, kurse shuma maksimale është **10.000 €**.

## **Aplikimet**

1. OJQ-të dhe individët në kuadër të kësaj thirrjeje mund të aplikojnë më së shumti me një projekt, për secilën nga fushat e thirrjes.
2. Të drejtë aplikimi kanë OJQ-të, që janë të regjistruara në regjistrin e organizatave Jo-Qeveritare në Republikën e Kosovës, të cilat veprojnë në Komunën e Prizrenit.
3. Aplikuesit duhet të dëshmojnë se programi i tyre i punës është i fokusuar në njërin nga fushat e aplikimit.
4. OJQ-të duhet po ashtu të kenë kryer transaksionet financiare në mënyrë transparente sipas legjislacionit për OJQ-të në Republikën e Kosovës dhe në përputhje me rregullat e kontabilitetit si dhe të kenë përmbushur detyrimet kontraktuale ndaj Komunës së Prizrenit - Drejtorisë së Kulturës Rinisë dhe Sportit dhe të gjithë ofruesve tjerë të mbështetjes financiare publike.
5. Para nënshkrimit të kontratës, OJQ duhet të paraqesë prova se personi përgjegjës në OJQ dhe menaxheri i projektit nuk janë nën hetime për vepra penale, si dhe prova se OJQ-ja, ka zgjidhur çdo çështje të hapur rreth pagesës së kontributeve dhe tatimeve të paguara, nëse është e aplikueshme.
6. Propozimet do të dorëzohen vetëm në formularët e paraparë, të cilat së bashku me Udhëzimet për Aplikantët, janë në dispozicion në faqen e internetit të ofruesit të mbështetjes financiare të Komunës së Prizrenit.
7. Dokumentet e kompletuara duhet të dërgohen personalisht, në adresën e mëposhtme:  
Komuna e Prizrenit  
Drejtoria e Kulturës, Rinisë dhe Sportit  
Sporteli nr.:4 në ndërtesën e Komunës,  
20000 Prizren
8. Procesi i pranimit, hapjes dhe shqyrtimit të aplikacioneve, vlerësimit të aplikacioneve, kontraktimi, dhënia e fondeve, koha dhe mënyra e parashtrimit të ankesave, trajtimi i dokumenteve dhe kalendarin tregues i zbatimit të thirrjes janë të detajuara në Udhëzimet për aplikuesit e thirrjes publike.

9. Do të konsiderohen për mbështetje financiare vetëm projektet që janë pranuar brenda afatit të paraparë me këtë thirrje publike, dhe të cilat i përmbushin plotësisht kushtet e përcaktuara të thirrjes publike.

**Vërejtje:**

Projektet të cilat nuk i kanë të bashkangjitura dokumentet sipas kërkesës nuk do të merren parasysh nga Komisioni për shqyrtimin e kërkesave. Shpenzimet të cilat nuk do të mbështeten janë ato administrative, renovimet, pagat, dhuratat, shpërblimet dhe të ngjashme. Për çdo informatë dhe për të gjitha çështjet që lidhen me thirrjen publike mund të sqarohen vetëm në mënyrë elektronike, duke dërguar e-mail në adresën: [gylten.dragaj@rks-gov.net](mailto:gylten.dragaj@rks-gov.net)

Me respekt,  
Drejtori, Ehat Oreshka